

## 2

E tama wareware!  
 He wareware au nga ngaki.  
 E ngakia mai e koe.  
 Tena ano ra te tangata ngaki kai.  
 Te kopu pea i takoto mai ai.  
 Tama ra, te whanaunga i.

## 3

I pataia ai, te mau atu ai  
 E maha nga rangi.  
 E hira koa te toa i a Rere<sup>4</sup>.  
 Te toa o Rehua?  
 Kaore au i rongo te taha i mate ai.  
 I tangohia ai koe  
 Ki te kura winiwini. ki te kura wanawana:  
 Nga mahi a te iti.

## 4

Moe mai, e tama, te moenga matao;  
 Kia moe atu au te moenga i ahuru.  
 E kore<sup>5</sup> e puta atu,  
 I runga te tuturihunga.  
 I roto te tataramoa,  
 Nga heihei<sup>6</sup> o Matuku.

## 5

Kaore i huna te kaka<sup>7</sup> tino tangata:  
 I kona Mauri<sup>8</sup>, a te Kina<sup>9</sup>,  
 Tutabi-arahanga<sup>10</sup>, Uruhape-ki-te-rangi<sup>11</sup>.  
 Ka kite te pononga Tarapango<sup>12</sup> tona patu.  
 E kia rangona ai te toa patu tangata i.

## 6

E ai. e tama, ma rau<sup>13</sup> o Puteuru.  
 Ma te uri o Maru<sup>14</sup>. o Tu-te-nganahau.  
 Nana nga patu, nga tao<sup>15</sup> kaitohi.  
 Ki te takutai o Rurutu<sup>16</sup>.  
 I rangona ki reira a Ururangiwheke<sup>17</sup>.  
 A Ururangipapa<sup>18</sup>, e riri ana i waho.  
 Turakina kia hinga iho ana  
 Ko te Horehore<sup>19</sup> i noho i te tuwhenua.  
 Paku te whenua.  
 Ngatata te papa i runga nei,  
 E tama. ki a koe.

## 7

E uia iho koe. mau e ki ake:  
 "Ko te ngako tena o Maramara-te-Ihonga<sup>20</sup>  
 "O Tutakiao<sup>21</sup>" ka tau ia ki raro i.  
 "No nga puau, hurihanga puau.  
 "No te tihī au o te rakau.  
 "E tu ki Tawhitinui.<sup>22, 23</sup>  
 Te tapu i a koe a te Rangi-takahia<sup>23</sup>,  
 Tu-hokai-nuku, tu-hokai-rangi.  
 Te reo<sup>24</sup> i a Turi. hei ara mou  
 Ka whano ai koe nga wai kirikiri  
 I roto i Oao<sup>25</sup>.